

九月二十六日，復由札木台北行，轉北偏東行，經石戈壁，約六十里進山口，即鹽山口。出鹽，方如枕塊，堅硬如石。山上土石作紅色，有阿瓦提對里雅河從山口流出，新疆圖志稱爲阿爾巴特河。源出汗騰格里山，東南流至鐵干可洛克莊，轉南流出山口，轉東南流，至哈拉玉爾滾灌地。進山口北行約五里，駐阿瓦提腰站。圖志道路志稱爲阿爾巴特驛。此地爲赴伊犁驛道，有官店一，但余等駐於一草灘中。傳說在阿瓦提北約二十餘里，地名那格拉哈那，爲從前一蒙古王子所居，上有居住遺址。余曾前往勘查，那格拉哈那山在河西岸，孤峯聳峙，其形如柱，四面皆深溝不得上，亦無住人遺迹，或傳言之妄也。乃轉北偏西行，至鐵干可洛克莊。二十八日，復由鐵干可洛克出發，初向北行，次轉北偏東行，又經一胡桐林，密布河溝之兩岸。過此至麻札阿拉的，轉東北行，入哈拉樣大坂。從此上嶺入一草原，村舍棋布，樹林葱翠，約十里，下草原轉東行，至克子爾不拉克驛住。圖志道里志稱爲黑不拉村。北二十里和約伙羅驛，一名可力峽，有卡倫（圖志道路志三，頁一九）。我於二十九日前往勘查，卡倫設在山口，有舊城牆，稱爲可干舊城。城牆均完整，南北開門跨溝中，內設駐卡兵士以稽行人，凡往來於伊犁者必須經過此地，疑此爲清光緒初年所建，爲由阿克蘇至伊犁通過冰達坂必由之道。現我等係至拜城，故轉沿木札特河東行，至鄂斯堂不一，有克爾克仔人在此牧羊，由渠指引渡河至哈拉巴克。濱河有一古城，周三百三十米，地名柯爾塘。舊城名喀拉馬克沁，義謂蒙古城，以石累砌而成。惟城牆現已無存，城中有大石堆數處，必爲古代建築遺迹。城內散布紅陶片及紅底黑花陶片甚多，與阿拉葵溝口石城內之情形相同，疑此亦爲紀元前後之遺址。但亦有粉紅色陶片，則又爲唐代遺物。在城之西北約百餘米，有一土墩，堆積烽渣甚多，當爲古時烽火遺渣，則此地又設有防守工事。沿河西行約百餘步，有古塚數座，中間隆起土阜，周圍以石。又北十餘里，河東岸哈拉姑洗，土阜陂陀，散布紅陶片，皆爲古時有居民之證。由於此一帶所散布之陶片，可證此地自漢至唐皆屬活動中心。因此，我疑此城爲漢姑墨石城，唐撥換城舊址。徐松西域水道記謂：「漢姑墨國在拜城滴水岩一帶」。新疆圖志道路志謂：「哈拉玉爾滾唐撥換城也」。按滴水岩及哈拉玉爾滾一帶均屬戈壁，並無古代遺址，但此地與哈拉玉爾滾南北對峙，如所推論不誤，則漢姑墨石城及唐撥換城應在此山邊。徐松所言，方位或是，地點則非也，但因未作發掘，無實物之證驗，不能決定其必然耳。三十日繼續自哈拉巴克向東行入嶺，步步升高，田舍相望，樹木林立，一片蔭綠。轉東偏北行，過一草山，本地名爲牙依列克塔格。下午四時至柯洗克阿達麻札。旁有小沙嶺一道，東西綿延，此沙嶺東自強博洛克，西至喀拉克土拉，與喀拉克達格相接，平原亦盡於此。此大平原疑即突騎施之沙雁州，宋歐陽忞輿地廣記稱：「由千佛洞踰嶺至突騎施沙雁州，西至撥換城」（見新疆圖志道路志三引，查不見原書）。以今地考之，由克子爾明屋西北行，祇有此一道沙嶺，則踰嶺者必踰此嶺也。此嶺之西即爲平原，或爲突騎施之沙雁州。在柯洗克阿達麻札東北，約二十里許，有一麻札及古城，均在